

Ibsaa Jireenyaa-Lakk.2

Description

Sheyxanni namoota amala sadii qaban irratti aangoo ykn humna hin qabu. Isaan jallisuu hin dandaâ€™u. 1. Yaqiina (dhugaan amanuu fi shakkuu dhiisu) 2. Iklaasa (Hojii Rabbiif qulqulleessu, Isa qofaaf hojjachuu) 3. Tawakkula (Rabbiin irratti hirkachuu)

Girdoon Nifaaqaa yommuu saaqamu-Lakk.3

Nifaaqni dhibee badaa addunyaa fi aakhiraan nama jalaa balleessudha. Tarii namtichi osoo hin beekin nifaaqatti kufuun kasaaru dandaâ€™a. Kanaafu, kasaara kana jalaa bahuuf mallatoolee fi ramaddi nifaaqaa beekun baayâ€™ee barbaachisaadha. Ammas nifaaqa amantii keessatti nifaaqu asliyyi fi nifaaqu xaariâ€™u jechuun bakka lamatti quodun ni dandaâ€™ama. **1. Nifaaqu asliyy (nifaaqa hundee)** -Islaama dhugaan kan hin fudhanne fi nifaaqa irratti kan guddateedha. Ykn jalqabuma Islaamatti yommuu seenu kufrii isaa kan dhokseedha. Faaydan addunyaa isa dhiibun Muslimoota waliin jiraata. Garuu of keessatti kufrii dhoksa.

2. Nifaaqu Xaariâ€™u (nifaaqa tasaa) Islaamatti dhugaan amane ergasii shakkiin qalbii isaatti yommuu darbamu Islaama irraa duubatti deebiâ€™e fi kufrii isaa dhokseedha. Namoonni gariin sobdoota taâ€™anii osoo hin taâ€™in dhugaadhaan Islaama taâ€™uu isaani ni labsu. Qormaata garagaraa Rabbiin dhugummaa imaanaa isaanii ittiin qoruuf yommuu saaxilaman shakkiin qalbii isaanii irratti ni darbama. San booda Islaama irraa dhoksaan duubatti deebiâ€™u. Kufrii isaanii hin labsan, faaydaa addunyaa ni dhabna ykn haddiin (adabbiin) narratti dhaabbata jedhanii waan sodaataniif. Kanniin keessaa namoota naannoo hundeen isaa Musliima taâ€™e keessatti guddatantu jiru. Yommuu umrii gaheessummaa (dargaggumma fi shamarrummaa) gahe maatii hordofuun Islaama dhugaan ni fudhata. Ergasii, shakkiin qalbii isaa/ishii irratti darbama. San booda Islaama irraa duubatti deebiâ€™a. Duubatti deebiâ€™u (kafaruu) isaa hin ibsu, keessumatti dhokfata. Gubbaan Muslimoota fakkaachun itti fufa. Namoonni gariin immoo sochiin Islaamatti seenu fi bahuu isaanii irra deddeebiâ€™a. Wantoota haala jirenyaa fi nafsee issaani qunnamu irratti hundaaâ€™un yeroo tokko gara Islaama seenu, yeroo biraan immoo keessaa bahu. Garuu gubbaan Muslimoota fakkaachu itti fufu. Warroota kanniin ilaachise Qurâ€™aana keessatti, **Dhugumatti isaan amananii ergasii kafaran; ergasii amananii ergasii kafaran; ergasiis kufrii dabalatan, Rabbiin kan isaaniif araaramuu fi karaa kan isaan qajeelchu miti.** (suuratu An-Nisa 4:137) Kanaafu, namni yommuu shakkiin qalbii isaatti darbamu of eeggachu qaba. Shakkii kana oofuf gara Rabbii deebiâ€™uu fi obsuu qabaa malee Islaama akka aduu taâ€™e irraa duubatti deebiâ€™un of kasaarsu hin qabu. Shakkiin qormaata akka taâ€™e beekun haa obsu. Kitaaba wabii: Zaahirul Nifaaqi wa khabaaâ€™isul munaafiqiin fii taarikh-1/58-59, Abdurahmaan Hasan Madiniyy

Girdoon Nifaaqaa yommuu Saaqamu-Lakk. 4

Kutaalee darban keessatti waaâ€™ee fi ramaddii nifaaqa ilaaluf tattaafanne jirra. Harâ€™a immoo gabaabbinnaa WANTOOTA NIFAAQATTI NAMA KAKAASAN ilaalla. Nifaaqni adeemsaa namoonni muraasni kakkaâ€™uumsa nafsee isaanii keessa jiru hordofaniidha. Kakaâ€™uumsa kanniin bakka afuritti qoodun ilaalun ni dandaâ€™ama.

Iffaa: faayda addunyaa kajeelu- Faayda addunyaa tana argachuuf namni tokko kufrii keessatti dhokse Islaama gubbaan mulâ€™isuun Muslimootatti maxxanu dandaâ€™ama.

2ffaa: Nafsee ofii, qabeenya isaa ykn fayda addunyaa ofitiif sodaachuun kufrii keessatti dhoksa. Yoo kufrii mulâ€™ise wantoota armaan olii nan dhaba jedhe sodaata. Garuu karaa kijibaa, nama ganuu, waadaa diigu fi amaloota gadhee garagara ni hordofa.

3ffaa: Islaama fi hawaasa Muslimatti dharaa fi shira yaadu. Islaama fi Muslimoota balleessuf kufrii dhoksee Islaama mulâ€™isa Namuu osoo isatti hin beekin badii hangana hin jedhamne hojjata.

4ffaa: Muslima akka jedhamuuf maqaa musliimaa baadhachun of keessatti kufrii dhokfachuu. Qalbii isaatin Islaamatti hin amanuu. Kana irra kufrii guutuu ykn cinaa isaa ni kafara. San booda amanti biraa kan qabatu taâ€™a. Fakkeenyaf, kan akka maarkizim, sabummaa (nationalism) hundeen isaa Rabbii fi Guyyaa Qiyaamatti kafaruu irratti kan dhaabbate, sekulaarizimii amantii mormuu, ykn materiyalizm hundeen isaa yaada jallataa warra dhihaa taâ€™ee fi kkf hordofuu fi itti amanuudha. Yookiin inuma amanti wayitu kan hin qabnee fi fedhii lubbuu qofa kan hordofuu taâ€™u dandaâ€™ama. Madda: Zaahirul Nifaaqi wa khabaaâ€™isul munaafiqiin fii taarikh-1/66-67, Abdurahmaan Hasan Madiniyy

Zikriin gogiinsa qalbiitiif dawaadha. Akkuma namtichi Hasanii jedhe, â€œYaa Abbaa Saâ€™id! Gogiinsa qalbii kooti sitti himadha.â€ Hasanis ni jedhe, â€œZikriin jiisi.â€ Makâ€™huulakkana jedhe, â€œRabbiin yaadachuun fayyaadha, namoota yaadachuun dhibeedha.â€ Namtichi tokko Suleymaanin akkana jedhe, â€œHojiiwan keessaa kamtu sadarkaan isaa guddaadhaa?â€ Suleymaanis ni jedhe, â€œQurâ€™aana hin qaraane sila, â€œZikriin Rabbii guddaadhaâ€ suuratu Al-Ankabuut 29:45)â€ Abi Muusan akka dabarsetti, Ergamaan Rabbii (SAW) ni jedhan, â€œFakkeenyi nama Gooftaa isaa yaadatu fi kan Gooftaa isaa hin yaadanne akka jiraataa fi duâ€™aati (Sahih al-Bukhari 6407) Kana jechuun Namni Rabbii isaa yaadatu akka nama jiraatati, qalbiin isaa jiraattudha. Namni Rabbii isaa hin yaadanne immoo akka nama duâ€™eeti, qalbiin isaa tan duutedha.

Namni ija ofii gadi qabatuuf tattaafatu, ibidda fedhii tooâ€™achuun isaaf ni salphata. Haraama ilaalu irraa ija ofii gadi qabachuun qalbiif tasgabbii kenna, sammuu ni qara.

Qalbii gogdee Akkamitti Laaffisan (jiisanii)? Hayyooni Islaamaa qalbii gogde karaa afuriin jiisun (laaffisuun) ni dandaâ€™ama jedhu. **1.** Wanta inni irra jiru irraa buqqaâ€™uun teessummaa beekumsaa, waazi, yaadachisuu, sodaachisuu, abdachiisu fi oduu warra gaggaariin itti himamutti argamuu fi dhageefachuu. (Yoo kuni dhabame vidiyoo fi odiyoo daaâ€™iwwan beekkamoo fi gaggaarii dhageefachuu)

2. Duâ€™a yaadachuuâ€“ duâ€™a miâ€™aa addaan kuttu, hawaasa irraa addaan nama baastu, ijoolle yaatima taasistu baayâ€™isee haa yaadatu. Dubartiin takka haadha muâ€™mintoota tan taate Aaâ€™ishaa (radiyallahu anhaa) bira dhufuun gogiinsa qalbii itti himatte. Aaâ€™ishaanis ni jetteen, â€œ**Duâ€™a yaadachuu baayâ€™isi, qalbiin tee ni laaftiitâ€“** Dubartinis kana ni hojatte. Qalbiin ishii ni laafte. Ergasii dhufte Aaâ€™isha galateefatte.

3. Nama duâ€™aa jirubiratti argamuun machaa fi hadhaa duâ€™aa inni dhandhamaa jiru ilaalu. Kuni, qalbii jiisa. Gaafa tokko Hasan al-Basriin nama dhukkubsataa machii duâ€™aa keessa jiru bira dhufe. Rakkoo inni keessa jiru ni ilaale. Ergasii Hasan fuulli isaa jijjirame gara maatii ofii deebiâ€™e. Ni jedhaniin, Rabbiin rahmata siif haa godhu nyaata nyaadhu. Innis ni jedhe, â€œYaa maatii koo! nyaata fi dhugaatin isiniif haa taâ€™u. Wallaahi! Duâ€™a tasa nama kuffisu arge jira. Hanga isaan wal qunnamuu [hojii gaggaarii] hojjachuu hin dhiisu.â€“ **4. Qabrii /awwaalcha daawâ€™achui**-Ergamaan Rabbii (SAW) akkana jedhan: â€œ**Qabrii daawâ€™adhaa, dhugumatti suni duâ€™a nama yaadachiisatiâ€“**

- Sunan Abu Daawud-3235

Iyyasuus (aleyh salaam) Gooftaa taâ€™uu dandaâ€™aa?

Gaaf tokko gurbaan Musliima tokko gurbaa Kiristaanaa tokkoon akkana jechuun gaafate, â€œIyyasuus (Iisaan) Gooftaa taâ€™uu itti amantaa?â€“ Gurbaan Kiristaanaa: â€œEeti, nan amana.â€“ Gurbaan Muslimaa: â€œGooftaan ilma namaa kan uumudha. Iyyasuus Ilma namaati. Akkamitti ilmi namaa ilma namaa uumaa?â€“ Gurbaan Kiristaanaa wanta jedhu wallaale achumaan calâ€™ise.

﴿إِنَّ مَثَلَ عِيسَىٰ عِنْدَ اللَّهِ كَمَثَلِ إِدَمَ حَلْقَهُ وَمِنْ تُرَابٍ ثُمَّ قَالَ لَهُ وَكُنْ فَيَكُونُ ﴾ أَلْحُقُّ مِنْ رَبِّكَ فَلَا تَكُونُ مِنَ الْمُمْتَرِينَ ﴾٦﴾

â€œDhugumatti, Rabbiin biratti fakkeenyi Iisaa akka fakkeenya Aadami. Biyyee irraa isa uume. Ergasi taâ€™i isaan jedhe. Innis yoma san taâ€™e.

Dhugaan (Haqni) Gooftaa kee irraayyi; kanaafu shakkitoota irraa hin taâ€™inâ€“ (Suuratu Aali-Imraan 3:59-60) Rabbiin subhaanahu wa taâ€™aala dandeetti Isaa ifa baasuf ilmaan namaa haala afuriin uume. **1ffaa:** Haadha fi abbaa malee. Fakkeenyaf, Adam (Aleyh salaam) **2ffaa:** Dubartii malee dhiira irraa. Fakkeenyaf Hawwaa. **3ffaa:** Dhiira malee dubartii irraa, fakkenyaf Iisaa (Iyyasuus) (Nageenyi isarratti haa jiraatu) **4ffaa:** Dhiira fi dubartii irraa, haala amma irra jirru kana. Kanaafu, Iisan (Iyyasuus) gonkumaa Rabbiin ykn ilma Rabbii taâ€™uu hin dandaâ€™u. Rabbiin kanarrraa qulqullaaâ€™e oltaâ€™e. Sababni isaas, namni ni duâ€™a. Kanaafu ilma kan godhatuuf sanyii isaa itti haa fuftuufi. Rabbiin (subhaanahu wa taâ€™aala) sanyii wanta jedhamu hin qabu, Inni Tokkicha fakkaataa hin qabneedha. Inni yeroo hundaa Jiraatadha. Dabalataanis, ilmi namaa dadhabaa fi waan dulloomuf, yeroo dadhabinnaa fi dullummaa akka isa xooruf (kunuunsuuf) ilma argachuu barbaada. Rabbiin immoo dadhabinnaa fi dullummaa irraa qulqulludha. Yeroo hundaa Inni Jabaadha, Abbaa humnaati. Kanaafu, ilma maal ittiin godhuuf barbaadaa? Rabbiinakkuma Adamin taâ€™i jechuun uume Iisaas taâ€™i jechuun uume. Aadamis ilma namaati, Iisaanis ilmuma namaati, kanaafu akkamitti ilmi namaa Gooftaa ykn ilma Gooftaa taâ€™uu dandaâ€™aa? Takkaa ilma namaa taâ€™e yeroo bira ilma Gooftaa taâ€™uu dandaâ€™aa? Wanta isaan jedhan irraa Rabbiin Qulqullaaâ€™e oltaâ€™e.

Date Created

September 13, 2018

Author

admin